

Broj: 01-02-3-1507/15
Sarajevo, 10.11.2015. godine

Z A P I S N I K
11. VANREDNE SJEDNICE PREDSTAVNIČKOG DOMA PARLAMENTA
FEDERACIJE BIH, održane 28.10.2015. godine

Sjednica je počela u 16.46.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, predsjednika Federacije Marinka Čavaru i potpredsjednicu Federacije Meliku Mahmutbegović, članove Vlade Federacije BiH, Međunarodne zajednice, kao i predstavnike akreditiranih medijskih kuća koji prate rad sjednice.

Odsustvo sa sjednice opravdao je Hajrudin Havić.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Prijedlog dnevnog reda zastupnici su dobili uz poziv za sjednicu.

U raspravi o izmjenama i dopunama dnevnog reda niko nije obrazlagao.

Sa 63 glasa za, uz 10 glasova protiv i uz osam uzdržanih glasova, usvojen je sljedeći:

D N E V N I R E D

1. Potvrđivanje Odluke o izmjeni Odluke o imenovanju premijera/predsjednika zamjenika premijera i ministara u Vladi Federacije BiH

**1. Potvrđivanje Odluke o izmjeni Odluke o imenovanju
premijera/predsjednika zamjenika premijera i ministara u Vladi
Federacije BiH**

Imajući u vidu ostavke četiri ministra u Vladi Federacije BiH i formiranje nove parlamentarne većine, predsjednik Federacije BiH Marinko Čavara, uz saglasnost potpredsjednice Melike Mahmutbegović i potpredsjednika Milana Dunovića, donio Odluku o izmjeni Odluke o imenovanju premijera/predsjednika zamjenika premijera i ministara u Vladi Federacije BiH.

U ime Komisije za izbor i imenovanje dodatno je obrazlagao Mladen Bošković. U diskusiji je kazao da se za ministre biraju:

- zamjenik premijera, ministar rada i socijalne politike Vesko Drljača,
- ministar energije, rudarstva i industrije Nermin Džindić,
- ministar trgovine Zlatan Vujanović,
- ministrica okoliša i turizma Edita Đapo.

U raspravi niko nije učestvovao.

Predstavničkom domu obratio se predsjednik Federacije Marinko Čavara.

Sa 62 glasa za, uz 12 glasova protiv i uz 13 uzdržanih glasova, Predstavnički dom Parlamenta Federacije BiH donio je Odluku o izmjeni Odluke o imenovanju premijera/predsjednika zamjenika premijera i ministara u Vladi Federacije BiH.

Novoizabrani ministri dali su svečanu izjavu.

Predsjedavajući je zaključio rad 11. vanredne sjednice u 18.09.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Daniela Čegar

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Edin Mušić